

8

DISSEBTATIO MEDICA
IN AUGURALEIS,
DE
HYS TERIA.

QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI ROBERTSON, S.S.T.P.
ACADEMIÆ EDINBURGENÆ Praefecti;

NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto,
PRO GRADU DOCTORATUS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;
Eruditorum examini subjicit

GULIELMUS BOUSH,
VIRGINIENSIS.

Societatis Medicae Edinensis Socius,

NEC NON

Societatis Physico-Chirurgicae Edin. Sodalis.

Ad diem 12. Septembris, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXVIII.

Dr. Wade

from his friend & Servant

W. B. South

DISSERTATIO MEDICA

INAUGURALIS,

DE

HYSTERIA.

OMNIUM morborum, qui genus humanum invadunt, nullus forsitan plus molestiae iis faceffit, formasve magis varias induit, quam is qui vulgo Hysteria appellari solet. Hunc morbum alii nosologi aliter definierunt; nulla vero definitio, quam hucusque offendimus, cum Culleniana, quae hujusmodi est, potest conferri: “Ventris murmura; sensus globi in abdomine se vol-
† A ventis,

ventis, ad ventriculum et fauces ascendentis, ibique strangulantis, sopor, convulsiones, urinae limpidae copia profusa, animus nec sponte varius et mutabilis.”

HISTORIA MORBI.

Quanquam mulieres huic morbo potissimum patent; exempla tamen non desunt, ubi viros quoque occupat.

Quae notae in charactere sunt depictae, eae ex intervallis incertis, modo brevioribus, modo longioribus, redeunt, nunc leviores, nunc graviores. Languor, totius corporis debilitas, oscitatio, inquietudo, sensusque frigoris, qui plerumque totum per paroxysmum manet, accessionem hysteriae plerumque antecedere consueverunt. His aliquando succedit dolor lumborum, cum sensu caloris. Deinde vultus pallefcit aut rubescit; dolor gravis caput, tempora, et oculos corripit; lachrymae profunduntur, oculi caligant. Postea venter inflatur, vel sensus tumoris oritur, qui in varias

rias totius abdominis partes sese diffundit, murmure majore aut minore stipatus. Quasi globus tandem in hypogastrio sentitur, qui non fixus manet, sed inde ascendens in ventriculo percipitur, ubi anxietatem praecordiorum, nauseam vomitumque facit. Inde secundum oesophagum ad fauces usque ascendit, ubi aliquamdiu haeret plus minusve sensus suffocationis movens. Cum morbus eo usque progressus est, plerumque stupore, insensibilitate, et specie deliquii animi, stipatur. Haec omnia nonnunquam in soporem desinunt, aegrotae nonnunquam pectora plangunt, et convulsionibus violentis epilepsiae proprias reddentibus agitantur. Post aliquantum temporis paroxysmus remittere incipit, pulsus arteriarum, ante parvuli et debiles, molles et pleni evadunt, suspiria tarda et gravia ab imo pectore ducuntur, intestina murmurant, aër e ventriculo rejicitur, rubor in faciem diffunditur, sensus motusque cum voce redeunt. Univerfa tandem signa apparent quae sanitatem significant, et aegrota languorem solummodo et capitis dolorem queritur.

tur. Haec sunt praecipua et maxime communia hysteriae signa ; non tamen in omni exemplo ex toto eadem sunt. Aliqua pars capitis dolore semper afficitur, modo sinciput, modo tempora, potissimum occiput. Sensus autem hujus doloris est, quasi clavus parti laboranti infingeretur, unde Clavus Hystericus appellari consuevit. Quinetiam functiones vitales perturbantur, cor violenter palpitat, ictus arteriarum duri et inaequales fiunt, et spiritus difficilis. Nonnunquam accidit universa fere pulsus et respirationis cessatio. Lumbi, dorsum, renes, et vesica urinaria, dolore gravi nonnunquam afficiuntur, et desiderium urinam reddendi immodicum aegram invadit, quae limpida et copiosa excernitur. Quanquam hysteria morbus corporeus sit ; animus tamen quoque gravissime laborat. Status ejus admodum varius. Aliquando summa hilaritas subest cum risu immodico, dum aegrotata aliena loquitur, et fere delirare videtur. Aliquando, contra, absque causa evidente, sese ostendunt, animus insigniter demissus, moestitia, lachrymatio

matio et ejulatio continuae, et metus mortis perpetuus. Cum notae hysteriae numero, specie, duratione, magnopere differunt, omnes comprehendere, singulasque ordine, quo sese ostendunt, prosequi non opis est nostrae.

D I A G N O S I S.

Opinio apud medicos olim invaluit, hysteria et hypochondriasmum eundem esse morbum, et hoc tantum, quod haec unum, illa alterum sexum invaderet, posse distingui. Quamvis hysteria et hypochondriasis nonnullis in signis inter sese conveniant; morbi tamen penitus diversi eos etiam parum attente consideranti esse videbuntur. Cum sexu quidem, sed non adeo arcte, conjunguntur, ut vel unus vel alter sexus uno vel altero morbo ex toto vacet; namque exempla non defunt, ubi hysteria in maribus, et hypochondriasis in foeminis, frequentius vita bene provecta, sese ostendit. Sexu multo accuratius distinguuntur, si ei diversitatem temperamenti

ti

ti adjungamus ; neminem enim latet, hypochondriam cum temperamento melancholico, hysteriam cum sanguineo, conjungi. Morbos quoque per aetatem magna ex parte discernere possumus ; hypochondriasis enim seniores fere constanter, hysteria juniores potissimum, invadit. His quoque accedit, quod paroxysmi hujus et illius modo diverso accedunt. Hysteria aegrotam subito occupat, et, ut concidat, facit ; hypochondriasis, contra, tarde accedit, et globo hystérico et affectibus canalis alimentarii convulsivis caret. Haec, uti speramus, hysteriam ab hypochondriasis satis discernent.

Quaedam similitudo hysteriam inter et syncopen quoque intercedit ; sed notae satis manifestae sunt, quae hanc ab illa distinguunt. In hac pulsus arteriarum et respiratio ex toto cessant ; sed in illa plane percipi possunt. In illa facies magis rubescit ; dum in hac magnopere pallescit. Insuper, paroxysmus hystericus diutius manet quam syncope, et dum aliquis animo linquitur, nulli affectus convulsivi ventrem infestant.

Alius

Alius morbus tantum, viz. epilepsia, superest, qui mentione dignus est. In hoc convulsiones gravissimae aegrotantem invadunt; sed hae utriusque morbi non communes sunt. Nam, quotiescunque hystericae apparent, ab omnibus aliis hoc plane distingui possunt, quod aegrota sensu per paroxysmum non ex toto orbatur; et globo quoque aliisque signis, quae paroxysmum antecedere solent, afficitur. Quinetiam, cum paroxysmus hystericus decessit, vigorem omnium corporis membrorum sensumque omnigenum quasi momento recuperat aegrota; contra, post paroxysmum epilepticum, manent stupor, caligo, torpor, et omnium membrorum lassitudo. Iis, quae hysteriam ab aliis morbis secernunt, hoc modo breviter percursis, proximum est ut causas hysteriae exequamur.

CAUSÆ PRÆDISPONENTES.

Hysteria foeminas, certo vitae tempore, praesertim a pubertate ad annum aetatis trigessimum

gesimum quintum usque, plenissimas et temperamento sanguineas, et magna animi sensibilitate praeditas, potissimum invadere consuevit. Saepius, mensibus sese ostensuris vel provenientes, accedit, quod systema eo tempore maxime mobile. Juniores viduas, sterilesque saepius, quam foecundas, occupare fertur. Hinc proclivitatem ad morbum a certa mobilitate systematis nervosi et sensibilitate adauctis pendere cogimus.

Per mobilitatem, eam celeritatem et facilitatem, qua vis nervosa ad actionem cieatur, significamus. Mobilitas autem hujusmodi aucta a stimulis primariis proficisci potest. Hinc, non absque ratione gravissima, parentes progeniem suam hoc morbo impertiri posse, fuit asseveratum. Hoc autem per certum feminium faciunt. Caeterum saepius forsitan acquiritur, et ad eam movendam multum conferunt victus lautior et omnia quae plenitudinem faciunt. Quo modo hoc incidere possit, intellectu minime difficile; namque plenitudo tensionem systematis arteriosi, quae fibrarum motricium actioni plurimum

num favet, adauget. Extensio vel distensio ad contractionem musculi vivi, ut ex actione cordis constante apparet, excitandam semper sufficit. Igitur, cum tonus systematis arteriosi, quem inter et tonum systematis universi arctus nexus intercedit, a tensione a mole humorum oriunda pendens per plenitudinem augeatur, evidentissimum est plenitudinem systematis arteriosi mobilitatem universi systematis perinde ac arteriosi sibi pro rata ratione respondentem esse facturam. Consuetudo quoque mobilitatem morbidam non tantum movere, sed etiam augere potest. Namque actio musculorum citra debilitatem et defatigationem reiterata contractiones eorum faciliores et validiores efficit. Hanc ob causam, omnes affectus spasmodici facillime redeunt, et sublato difficillimi sunt.

Sensibilitas autem est is nervorum extremorum sentientium status, quo impulsus exteriorum corpori admotus ad cerebrum devehitur, sensum, et omnia quae eum subsequuntur, faciens. Vel sensibilitas, ut alia verba adhibeam, ab impulsu externo solo fines ner-

†

B

vorum

vorum sentientes afficiente, motum in illis excitante, proficiscitur, qui secundum nervos ad cerebrum ascendit, unde sensus et voluntas oriuntur. Sensibilitas aucta a conditionibus diversis substantiae medullosum extremorum nervorum sentientium, ei per stamina primaria datis, pendere potest. Quinetiam sensibilitas morbida a statu diverso tensionis substantiae nervorum extremorum sentientium medullosum, ei per vasorum sanguiferorum plenitudinem dato promanare potest.

CAUSÆ OCCASIONALES.

Hysteriam excitant multae variaeque causae; in primis, affectus animi violenti, praesertim si subito et insperato moveantur. Praecipui reliquorum affectuum, qui idem praestant, sunt, gaudium, moestitia, amor, odium, et ira. Caeterum, modus, quo agant, admodum obscurus est, et forsitan semper inexplicabilis manebit. Insuper, certi odores nervos olfactorios modo singulari afficientes
hunc

hunc morbum movere consueverunt. Hi autem eos solos afficere videntur, qui temperamentum singulare idiosyncrasiamve, uti appellatur, habent. Idiosyncrasia per sensibilitatem partis certae singularem sese potissimum ostendit, quae facit, ut alias impressiones debiles acutissime, alias idem genus minime, sentiat. Ita homo certus, quod compertum habetur, odore carnis ovillae percepto, semper animo linqui consuevit. Alii odores alios afficiunt, alios moschus, alios rosa. Certa quoque ingesta hysteriam concitant; nulla enim systematis pars idiosyncrasia vacat. Hic morbus insuper a ratione victus luxuriosa et opipara, vita sedentaria, et multis aliis, quae plenitudinem systematis faciunt, proficisci potest. Hinc inter honestiore loco natas et opulentas potissimum grassatur. Praeter causas jam comprehensas, omnes subitae systematis mutationes hysteriam movere possunt, quales sunt, evacuationes solitae suppressae, menses, exempli gratia, vel haemorrhoids suppressa. Evacuationes hoc genus obstructae morbum forsitan plenitudinem corporis augendo inducunt. Hysteria

steria quoque ab inanitione, vel nimia evacuatione, originem deducere potest. Hoc forsitan aequè a subita ac liberali evacuatione pendet. Menses vel lochia in puerperis immodice profusa ab omnibus medicis pro causa hujus morbi non ita rara habentur. Experientia quotidiana rem ita sese habere testatur, quomodocunque hysteriam excitet nimia profusio. Causis supra relatis adjungendae sunt, quaelibet fatigatio insolita, quaelibet corporis agitatio singularis. Silentio non praetereundum videtur, calorem externum, et omnia quae sanguinem turgidum reddere possunt, paroxysmum hystericum posse movere. Hae sunt praecipuae e multis causis quae hysteriam dare videntur. Multas quidem omittendas putavimus, quarum mentionem injecisse limites dissertationculae hujusmodi excessisset.

CAUSA

CAUSA PROXIMA.

Phaenomena hujusce morbi praecipua, qualia sunt globus abdominis, ventris murmura, urina limpida, &c. causam hysteriae proximam affectum canalis alimentarii spasmodicum, cujus effectus in reliquis systematis partes diffunduntur, esse demonstrant. Hi affectus spasmodici canalem alimentarium potissimum infestant, cujus causam investigare inutile et supervacaneum foret, cum tenebris tam spissis involuta esse videatur. Hoc autem compertum habemus, canalem alimentarium mobilitati et sensibilitati morbidae, quam pleraeque alias systematis humani partes, magis patere, et spasmos gravissimos, ob eum consensum sympathiamve nervosam, quae canalem alimentarium inter et reliquas systematis partes constanter intercedit, totum corpus afficere consueisse. Denique, quae incidunt reperire, quam quae incidunt exponere, utilius.

PROG-

P R O G N O S I S.

Hysteria plus metus mortalibus incutit, quam periculi infert. E gravitate numeroque signorum, ex notitia causae quae paroxysmum movet, et ex accessionibus magis minusve crebris, super morbi eventu judicandum. Quando aegrota majore in periculo versetur, vel quando adversus idem fit tuta, ex historia morbi colligi potest. Unum forsitan notare necessarium est, nihil, nempe, actione cordis et pulmonum libera manente, esse timendum. In summa, hysteria raro funesta est, nisi admodum gravis sit, vel corpus admodum debile vel morbidum sit. Curatio tamen saepe difficilis est, cum actionem causarum, quae proclivitatem ad morbum dant, eundemve movent, sistere in primis arduum sit, cumque remedia potentissima in morbum saepe parum possint.

RATIO

RATIO MEDENDI.

Consilia autem medendi hoc in morbo duo sequentia esse videntur.

I. Paroxysmos quam primum ad finem perducere.

II. Per intervalla reditum paroxysmorum praecavere.

I. Priori autem consilio, cum morbus in affectu canalisi alimentarii spasmodico consistat, ea remedia optime respondent, quae motus corporis abnormes et convulsivos potenter consopiant. Haec antispasmodica appellantur, et externe aut interne adhiberi possunt. Antequam vero de hisce dicamus, quaestio oritur, quae attentionem nostram meretur, utrum, necne, sanguis, nempe, in paroxysmo hysterico, cum commodo possit detrahi? Ad hoc quidem remedium, morbo gravi, plerumque decurrunt medici. Et plenitudine, ut saepe fit, substante, paroxysmum compescendo, eumve citius solvendo, prodesse

prodesse potest. Cum vero morbus a pura systematis nervosi mobilitate pendet, remedium parum certum et anceps est, et etiam, aegrotata pleniore, sanguinis detractio reiterata plenitudinem potius faciet, quam eidem occurret. Insuper, si paroxysmi saepe redeant, magis magisque aliena fit; quoniam consuetudo nunc magis ad morbum movendum, quam plenitudo ipsa, confert. Igitur, si unquam ad sanguinis emissionem confugiamus, sub primam morbi accessionem tantum conveniet, et eo tempore etiam caute adhiberi debet.

Applicationes frigidae, ut aqua frigida, potius ancipites sunt, quanquam aegrotam excitando nonnunquam profunt, cum paroxysmus jam accessit, praesertim cum speciem syncopes prae se fert. Si paroxysmus diu manet, enemata, quibus aliquantum assae faetidae fuit adjunctum, cum aliquo commodo possunt adhiberi. Antispasmodica, quae vim stimulantem habent, naribus applicari possunt, qualia sunt, alkali volatile, oleum succini. Haec autem remedia sunt, ad quae per

per paroxysmum confugi debet, cum aegrotata nihil in ventriculum per os accipere potest. Caeterum, remedia interna quoque danda, cum affectus spasmodici non adeo graves sunt, vel, cum fieri potest, quo vis potestatis nervosae imminuatur, et motus convulsivi sedentur. Quae remedia huic consilio respondent, ea sunt, moschus, camphora, opium, aether, et gummi faetida. Moschus, uti experientia testatur, non parum in affectus convulsivos et hysteriam potest. Caeterum, purus et genuinus summa cum difficultate comparatur. Quantitate satis ampla datus, efficacissimus est; et igitur in omnibus affectibus spasmodicis adhibetur. Quantum camphoram spectat, de virtutibus ejus antispasmodicis inter omnes convenit; et, hanc ob causam, in hysteria fuit adhibita, et, cum haec ex toto spasmodica est, satis liberaliter data prodesse potest. Non multum laudata fuit, forsitan ob effectus ejus incertos periculumque eam dosi larga dandi. Denique, potius incerta et anceps. Quod ad opium attinet, quantum in spasmis tollendis prodest, ex hoc apparet, quod remedium pro-

sperum et efficax est in his affectibus spasmodicis violentis, tetano nempe et opisthotono. E phaenomenis, quae actionem opii comitantur, rite consideratis, evidenter apparet, vim stimulantem et sedantem ei inesse. Igitur, in vitiis spasmodicis, a distributione potestatis nervosae inaequali pendentibus, in quibus ad stimulantia vel sedantia decurramus oportet, opium haud dubie profit necesse est. Datum, paroxysmo accedente, signa saepe levat, et paroxysmum aliquando ex toto depellit. Cum ventriculo ingratum est, ex enematis dari potest, et hoc modo adhibitum ad magnum urinae profluvium, quod hoc in morbo tam saepe sese ostendit, imminuendum magnopere confert. Quanquam commodum ab opio adhibito oritur; caute tamen sumatur. Aetheris vires antispasmodicae satis notae sunt. Hic camphora aliisque antispasmodicis magis volatilis est; et igitur his anteponendus, quoniam nervis affectis citius admovetur. Hinc ad eum potius in omnibus ventriculi et primarum viarum vitiis confugi debet. Optima eum dandi est in aquam diffundere, unde forsitan, si non dissipetur, potentius aget.

Quantum

Quantum gummi faetida spectat, quo magis volatilis cujuslibet gummi odor est, eo melius est. Hinc, non absque causa gravi, assa faetida hodie in locum aliorum faetentium gummi suffecta est. Virtutes ejus per aquam, vel melius per spiritum, extrahi possunt, et dosis a quinque granis ad drachmam unam aut amplius variat.

Proximum autem est, ut nunc de consilio altero, viz. II. per intervalla paroxysmorum reditum praecavere, dicamus. Quae huic consilio accommodantur, ea sunt duo ;
1. Causas occasionales fugere vel remove ;
2. Causas praedisponentes tollere.

1. Causas occasionales fugere vel remove. Fugere autem causas occasionales a notitia earum idonea pendet, et, cum eas satis fuisse enumeraverimus, nihil fere amplius de iis addere possumus. Omnes impressiones validae, et quicquid mentem irritat, caute vitanda. Cum enim paroxysmi ab animo tantopere pendeant, hunc rite gubernare et regere pars curationis praecipua evadit. Hoc vero summam solertiam ingeniumque desiderat. Si
animum

animum aliqua re constanter intendere possimus, cavebimus ne de ingratis cogitet, quae summa moestitia aegrotam afficiunt. Huic consilio ante omnia alia accommodatur peregrinatio, quae nova animo perpetuo objicit, et ita facit, ut de iis, quae sibi propria sunt, cogitare nequeat. Cum suppressae vel auctae evacuationes morbum movent, hae remediis sibi singulis accommodatis sanandae sunt. Sed causae remotae saepe non adeo facile vitantur, cum vix sperandum sit, opulentos desidiā, rationem victus luxuriosam, comotationes nocturnas, &c. mali distantis metu affectos esse relicturos. Denique, non minus attente causas occasionales reperire, quam easdem repertas et detectas vitare, conandum est.

2. Causas praedisponentes tollere. Jam posuimus, nimiam mobilitatem et sensilitatem systematis nervosi, vel plenitudine factam, vel corpori ingentam, proclivitatem ad hunc morbum dare. Quae remedia ad mobilitati a plenitudine pendenti occurrendum sunt accommodata, ea sunt abstinētia et exercitatio.

ercitatio. Nimius cibus summa cura vitandus. Namque, cum diaeta plenior plenitudinem tam facile creet, et factam augeat, diaeta parca, contra, eandem magna ex parte tollet. Quantum alimentum spectat, summa non tantum quantitatis ejus, sed dotium quoque, ratio habenda. Cum cibus animalis tum vegetabilis nutrimentum praebet; gravis tamen ratio est, cur cibum animale multo plus globulorum rubrorum et glutinis, quae pro parte sanguinis nutriente habentur, suppeditare credamus. Igitur cibo animali magna ex parte abstinere, et oleribus modice uti auctui glutinis et globulorum rubrorum, quae vasis rubris potissimum continentur, et adaucta plenitudinem faciunt, potenter obfistent. Caeterum propterea quod dyspepsia cum hysteria frequenter conjungitur, moris communis fuit diaetam plenam animale, qua nihil magis nocivum est, praescribere. Diaeta enim tenuior et quantitate et qualitate, uti medici expertissimi fatentur, utilissime redditui morbi occurrit, sive a mobilitate per plenitudinem facta, sive a mera sensilitate, oritur.

oritur. Exercitatione nihil utilius est. Namque vita desidiofa statum plethoricum dat; quam alii minore cum noxa, quam alii, desidiaae sunt dediti. Exercitatio vero non tantum valetudinem commodam substantem tuendo prodest, sed quoque ei plenitudini occurrendo, quae fundamenta huic morbo et multis aliis plane ponit. Exercitatio actionem cordis et universum circuitum augendo, excretiones omnigenas, praesertim perspirationem, quae retenta plethoram evidenter inducit, promovet. Hinc in curatione hysterae admodum profit oportet.

F I N I S.



